

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON**

KANTONALNI SUD U TUZLI

Broj: 32 0 K 347550 24 Kžk

Tuzla, 25.03.2025. godine

U IME FEDERACIJE BOSNE I HERCEGOVINE !

Kantonalni sud u Tuzli u vijeću sastavljenom od sudija Merside Sušić kao predsjednice vijeća, sudija Samira Jusičića i Merime Gutić kao članova vijeća, sa zapisničarem Amelom Pašić u krivičnom predmetu protiv optuženog E.T., zbog produženog krivičnog djela - Zloupotreba položaja ili ovlaštenja iz člana 383. stav 1. Krivičnog zakona Federacije Bosne i Hercegovine, u vezi sa članom 31. i 55. istog Zakona, po optužnici Kantonalnog tužiteljstva Tuzlanskog kantona broj T03 0 KTK 0078409 19 od 08.04.2019. godine, potvrđena dana 17.04.2019. godine i djelimično izmijenjena na glavnom pretresu održanim pred prvostepenim sudom dana 18.07.2023. godine i dana 29.04.2024. te izmijenjenoj na pretresu pred Kantonalnim sudom u Tuzli dana 24.03.2025. godine nakon održanog pretresa pred Kantonalnim sudom u Tuzli dana 24.03.2025. godine u prisustvu tužiteljice Kantonalnog tužiteljstva Tuzlanskog kantona Kišić Selme, optuženog E.T. i branitelja optuženog advokata Mujčinović Šabana, advokata iz Tuzle, dana 25.03.2025. godine, u odsutnosti uredno obavještenih stranaka, donio je i javno objavio

P R E S U D U

O P T U Ź E N I :

E.T., sin **Š.** i majke **S.** rođene **H.**, rođen ... godine u **T.**, nastanjen u **T.**, u ulici ..., pismen sa završenom srednjom stručnom spremom, po zanimanju tehničar drumskog saobraćaja, ranije zaposlen u MUP TK-a, PU Tuzla, PS Centar na poslovima policijskog službenika, oženjen, otac dvoje djece, srednjeg imovnog stanja, Bošnjak, državljanin BiH, JMBG ..., osuđivan [...] *ispušteni podaci iz kaznene evidencije*

Na osnovu člana 299. stav 1. tačka a) Zakona o krivičnom postupku Federacije Bosne i Hercegovine

O S L O B A Ā A S E O D O P T U Ź B E

Da je:

U vremensku periodu od 05.11.2018. godine do 04.01.2019. godine u Gradu Tuzli, u Ulici I. inženjerske brigade, zajedno sa S.I. radeći kao službena osoba - policijski službenik MUP TK-a, Policijske stanice "Centar", (u daljnjem tekstu "službena osoba") raspoređen u „Interventnu grupu I“ na poslove i zadatke koji su konkretno određeni patrolnim nalogima Policijske stanice "Centar" (u daljnjem tekstu: "PS Centar"), broj: 3037/18 od 05.11.2018. godine, 3077/18 od 09.11.2018. godine, 3240/18 od 25.11.2018. godine, 3275/18 od 29.11.2018. godine, 3309/18 od 03.12.2018. godine, 3342/18 od 07.12.2018. godine, 3375/18 od 11.12.2018. godine, 3412/18 od 15.12.2018. godine, 3449/18 od 19.12.2018. godine, 3486/18 od 23.12.2018. godine, 3522/18 od 27.12.2018. godine, 3557/18 od 31.12.2018. godine i 27/19 od 04.01.2019. godine, znajući da patrole policije mogu obavljati poslove i zadatke kontrole saobraćaja u sklopu redovnih aktivnosti po uočenom prekršaju te znajući da je članom 54. Zakona o prekršajima FBiH, („Službene Novine FBiH“ 63/14), propisana obaveza ovlaštenog tijela da izda prekršajni nalog ukoliko ustanovi prekršaj iz njegove mjerodavnosti, pa je tako postupajući suprotno ovoj odredbi, neobavljanjem svojih službenih dužnosti, sve u namjeri da drugome pribave korist, što je i htio, izvršio zaustavljanje i kontrolu više vozača motornih vozila, koji su krećući se iz ulice ZAVNOBIH-a, prema ulici I Inženjerske brigade, prelaskom preko pune linije počinili saobraćajni prekršaj iz člana 130. stav 4. ZOOPS BiH ("Službeni glasnik Bosne i Hercegovine", broj 6/2006, 75/2006, 44/2007, 84/2009, 48/2010, 48/2010, 18/2013, 8/2017, 89/2017 i 9/2018), i to:

1.1. Dana 05.11.2018. godine, zaustavili i kontrolisali vozilo Golf IV, registarskih oznaka ... kojim je upravljao M.J.,

1.2. Dana 09.11.2018. godine, zaustavili i kontrolisali vozilo VW „Passat“ registarskih oznaka ... kojim je upravljao J.B., vozilo marke Fiat „Punto“ registarskih oznaka ... kojim je upravljala N.DŽ. i vozilo marke VW Golf registarskih oznaka ..., kojim je upravljao M.B.,

1.3. Dana 25.11.2018.godine, zaustavili i kontrolisano vozilo Ford „Focus“ registarskih oznaka ..., kojim je upravljao vozač E.M.,

1.4. Dana 03.12.2018.godine, zaustavili i kontrolisali vozila marke VW „Golf“ registarskih oznaka ..., kojim je upravljao S.H.1, vozilo „Dacia“ registarskih oznaka ... kojim je upravljao S.Ć., vozilo Škoda „Fabia“ registarskih oznaka ... kojim je upravljao, A.B.1, vozilo Citroen „C5“ registarskih oznaka ... kojim je upravljao E.H., vozilo VW „Golf“ registarskih oznaka ..., kojim je upravljao A.J., vozilo Audi „Q7“ registarskih oznaka ... kojim je upravljao S.M.1, vozilo Nissan „Juke“ registarskih oznaka ..., kojim je upravljala Z.U. i vozilo Škoda „Rapid“ registarskih oznaka, ... kojim je upravljao E.Ć.,

1.5. Dana 07.12.2018.godine, zaustavljeno i kontrolisali vozilo marke „Dacia“ registarskih oznaka ... kojim je upravljao N.H., vozilo Renault „Scenic“ registarskih oznaka ..., kojim je upravljao S.M.2, vozilo Škoda registarskih oznaka ..., kojim je upravljao M.O.1, vozilo VW „Golf IV“ registarskih oznaka ..., kojim je upravljao M.Lj., vozilo Citroen „C5“ registarskih oznaka ..., kojim je upravljao A.B.2,

1.6. Dana 11.12.2018 godine, zaustavili i kontrolisali vozilo Škoda „Octavia“ registarskih oznaka ... kojim je upravljao J.Š.,

1.7. Dana 15.12.2018 godine zaustavili i kontrolisano vozilo Toyota „RAV 4“ registarskih oznaka ... kojim je upravljao S.H.2,

1.8. Dana 19.12.2018 godine, zaustavili i kontrolisali vozilo marke VW „Touran“, registarskih oznaka ... kojim je upravljao D.M., kao i vozilo Opel „Insignia“ registarskih oznaka ..., kojim je upravljao E.U.,

1.9. Dana 27.12.2018 godine, zaustavili i kontrolisali vozilo marke Citroen „Berlingo“, registarskih oznaka ... kojim je upravljao Š.M., vozilo Škoda „Superb“, registarskih oznaka ... kojim je upravljala M.Č.1, vozilo Peugeot „207“ registarskih oznaka ... kojim je upravljao M.P., Audi registarskih oznaka ... kojim je upravljao V.F., vozilo Škoda „Fabia“, registarskih oznaka ... kojim je upravljao A.M.,

1.10. Dana 31.12.2018. godine zaustavili i kontrolisali vozilo marke Mercedes „C 200“ registarskih oznaka ... kojim je upravljao M.Č.2 i

1.11. Dana 04.01.2019. godine, zaustavili i kontrolisali, vozilo Audi „Q5“ registarskih oznaka ... kojim je upravljao Dž.H.,

kojim vozačima, postupajući suprotno imperativnoj odredbi člana 54. Zakona o prekršajima FBiH, nije izdavao prekršajne naloge za ustanovljene prekršaje, na koji način nije obavio svoju službenu dužnost i na koji način je ovim vozačima pribavio korist u vidu ne izdavanja prekršajnog naloga, odnosno ne sankcionisanja za učinjeni prekršaj.

Dakle, da kao službena osobe u Federaciji nije obavio svoju službenu dužnost, pribavivši drugome kakvu korist, čime bi počinio produženo krivično djelo - Zloupotreba položaja ili ovlaštenja iz člana 383. stav 1. Krivičnog zakona Federacije Bosne i Hercegovine, u vezi sa članovima 31. i 55. istog Zakona.

Na temelju člana 203. stav 1. Zakona o krivičnom postupku Federacije Bosne i Hercegovine troškovi krivičnog postupka padaju na teret budžetskih sredstava, tako da troškovi koji se odnose na prvostepeni postupak i postupak odlučivanja po žalbama protiv prvostepene presude, padaju na teret budžetskih sredstava Općinskog suda u Tuzli, dok ostali troškovi krivičnog postupka koji se odnose na pretres pred Kantonalnim sudom u Tuzli, padaju na teret budžetskih sredstava ovog suda.

O B R A Z L O Ž E N J E

Optužnicom Kantonalnog tužiteljstva Tuzlanskog kantona broj T03 0 KTK 0078409 19 od 08.04.2019. godine optuženima E.T. i S.I. stavljeno je na teret učinjenje produženog krivičnog djela Zloupotreba položaja ili ovlaštenja iz člana 383. stav 1. Krivičnog zakona Federacije Bosne i Hercegovine (u daljem tekstu: KZ FBiH) (tačka 1.), produženog krivičnog djela Primanje dara ili drugih oblika koristi iz člana 380. stav 1. KZ FBiH, produženog

krivičnog djela Primanje dara ili drugih oblika koristi iz člana 380. stav 3. u vezi stava 1. KZ FBiH i produženo krivično djelo - Krivotvorenje službene isprave iz člana 389. stav 1. KZ FBiH, a sve u vezi sa članovima 31. 54. i 55. istog Zakona, koja je potvrđena dana 17.04.2019. godine.

Postupajući tužitelj je na glavnom pretresu pred prvostepenim sudom održanom dana 18.07.2023. godine i 29.04.2024. godine djelimično izmijenio činjenični opis optužnice, dok je pravni opis i pravna kvalifikacija djela ostala neizmijenjena.

Presudom Općinskog suda u Tuzli broj: 32 0 K 347550 19 K od 28.07.2023. godine optuženi E.T. i S.I. oglašeni su krivim za krivična djela – Zloupotreba položaja ili ovlašćenja iz člana 383. stav 1. KZ FBiH u produženom trajanju za krivično djelo – Primanje dara ili drugih oblika koristi iz člana 380. stav 1. KZ FBiH, za krivično djelo – Primanje dara ili drugih oblika koristi iz člana 380. stav 3. a u vezi sa stavom 1. KZ FBiH i za krivično djelo – Krivotvorenje službene isprave iz člana 389. stav 1. KZ FBiH, a sve u vezi sa članom 31. i 55. istog Zakona, pa je optuženima nakon što su utvrđene pojedinačne kazne za gore navedena krivična djela i to za krivično djelo - Zloupotreba položaja ili ovlašćenja iz člana 383. stav 1. KZ FBiH u produženom trajanju kazne zatvora u trajanju od po 6 (šest) mjeseci, za krivično djelo - Primanje dara ili drugih oblika koristi iz člana 380. stav 1. KZ FBiH, kazne zatvora u trajanju od po 1 (jedne) godine i 2 (dva) mjeseca, za krivično djelo - Primanje dara ili drugih oblika koristi iz člana 380. stav 3. a u vezi sa stavom 1. KZ FBiH, kazne zatvora u trajanju od po 7 (sedam)mjeseci, pa je optužene osudio primjenom odredbe člana 54. stav 2. tačka b) i člana 57. stav 1. KZ FBiH na jedinstvene kazne zatvora u trajanju od po 2 (godine) i 6 (šest) mjeseci, u koje kazne im je uračunao vrijeme provedeno u pritvoru od 04.01.2019. godine do 01.02.2019. godine.

Istom presudom na temelju odredbe člana 380. stav 4. KZ FBiH u vezi s odredbom člana 10. stav 1. i 11. stav 1. Zakona o oduzimanju nezakonito stečene imovine krivičnim djelom utvrđeno je da su optuženi učinjenjem krivičnih djela stekli imovinsku korist u iznosu od 320,00 KM i 10,00 Eura pa su isti obavezani da solidarno isplate iznos od 320,00 KM i 10,00 Eura u korist Federacije Bosne i Hercegovine u roku 15 dana od dana pravomoćnosti presude, a na temelju člana 76. stav 1. i 2. KZ FBiH prema optuženima je izrečena sigurnosna mjera Zabrana vršenja poziva, djelatnosti ili dužnosti, a koja zabrana se odnosi na dužnost službene osobe – policijskih službenika u MUP TK-a, PS Centar, kao i u svim drugim policijskim agencijama u Bosni i Hercegovini u trajanju od 5 (pet) godina računajući od dana pravomoćnosti presude, s tim da se vrijeme provedeno na izdržavanju kazne zatvora ne uračunava u vrijeme trajanja ove sigurnosne mjere, a na temelju odredbe člana 202. stav 4. ZKP FBiH, optuženi su oslobođeni obaveze da nadoknade troškove krivičnog postupka.

Presudom Kantonalnog suda u Tuzli broj: 32 0 K 347550 23 Kž od 19.01.2024.godine stavom I žalbe branitelja optuženih E.T. i S.I. su uvažene u odnosu na krivično djelo – Zloupotreba položaja ili ovlašćenja iz člana 383. sstav 1. Krivičnog zakona Federacije Bosne i Hercegovine, opisano pod tačkom 1 izreke presude Općinskog suda u Tuzli broj: 32 0 K 347550 19 K od 28.07.2023. godine i u tom dijelu je prvostepena presuda ukinuta i u tom dijelu predmet vraćen prvostepenom sudu na ponovno suđenje, a stavom II žalba tužitelja Kantonalnog tužiteljstva Tuzlanskog kantona izjavljena zbog odluke o krivičnopravnoj sankciji u odnosu na tačke 2. i 3. izreke pobijane presude, odbijena je kao neosnovana, dok je djelimičnim uvažavanjem žalbe branitelja optuženih E.T. i S.I. presuda Općinskog suda u Tuzli broj: 32 0 K 347550 19 K od 28.07.2023. godine, preinačena u pravnoj ocjeni djela i odluci o krivično pravnoj sankciji, tako da su krivično pravne radnje koje su opisane pod

tačkom 2. izreke presude pravno kvalifikovane kao produženo krivično djelo - Primanje dara i drugih oblika koristi, iz člana 380. stav 1. KZ FBiH i optuženima utvrđena kazna zatvora u trajanju od po 1 (jedne) godine, a za produženo krivično djelo – Krivotvorenje službene isprave iz člana 389. stav 1. KZ FBiH uzete su kao utvrđene kazne zatvora u trajanju od po 6 (šest) mjeseci iz te presude, pa su optuženi primjenom odredbi člana 54. stav 2. tačka b) Krivičnog zakona Federacije Bosne i Hercegovine osuđeni na jedinstvenu kaznu zatvora u trajanju od po 1 (jedne) godine i 4 (četiri) mjeseca u koju kaznu im se uračunalo vrijeme provedeno u pritvoru od 04.01.2019. godine do 01.02.2019. godine

U ponovnom suđenju Općinski sud u Tuzli je donio presudu broj: 32 0 K 347550 24 K 2 od 08.05.2024. godine kojom je optužene E.T. i S.I. oglasio krivim za produženo krivično djelo - Zloupotreba položaja ili ovlaštenja iz člana 383. stav 1. KZ FBiH, u vezi sa članovima 31. i 55. istog Zakona i optužene primjenom odredbi članova 7., 42., 43. stav 1. i 2. i člana 49. stav 1. i 2. KZ FBiH osudio na kaznu zatvora od po 6 (šest) mjeseci. Istom presudom na temelju odredbe člana 202. stav 4. ZKP FBiH, optuženi su oslobođeni obaveze da nadoknade troškove krivičnog postupka.

Rješenjem Kantonalnog suda u Tuzli broj: 32 0 K 347550 24 Kž 2 od 14.11.2024. godine presuda Općinskog suda u Tuzli broj: 32 0 K 347550 24 K 2 od 08.05.2024. godine je ukinuta i određeno održavanje pretresa pred Kantonalnim sudom u Tuzli.

Na pretres pred ovim sudom nije pristupio optuženi S.I., a protiv kojeg je u predmetu Općinskog suda u Tuzli broj: 32 0 K 347550 24 Iks 2 donijeta naredba za raspisivanje potjernice obzirom da se optuženi S.I. nalazi van Bosne i Hercegovine, a iz obavijesti MUP TK, Operativni centar Tuzla od 27.05.2024. godine proizlazi da je raspisana Centralna potjernica za S.I., sinom M. i majke J. rođ. M., rođen ... godine u T..

Kako se optuženi S.I. nalazi van Bosne i Hercegovine i kako je za istim raspisana potjernica od strane Općinskog suda u Tuzli, ovaj sud je u skladu sa odredbom člana 33. ZKP FBiH donio rješenje kojim je razdvojio postupka u odnosu na optuženog S.I. a koji će se okončati pred ovim sudom pod novim brojem, dok se postupak u odnosu na E.T. nastavio pod gornjim brojem.

U skladu sa odredbom člana 332. stav 2. ZKP FBiH, na pretresu održanom pred ovim sudom preuzeti su dokazi izvedeni tokom prvostepenog postupka tako što su pročitani dokazi i to: Zapisnik o saslušanju svjedoka S.Č. broj 08-05/3-5-04.2-3/18 od 20.11.2018. godine, Zapisnik o saslušanju svjedoka A.B.2 broj T03 0 KTK 0078409 19 od 30.01.2019. godine, Zapisnik o saslušanju svjedoka S.M.1 broj T03 0 KTK 0078409 19 od 21.03.2019. godine, Zapisnik o saslušanju svjedoka E.Č. sačinjen od KTTK dana 29.01.2019. godine, Zapisnik o saslušanju svjedoka M.P. sačinjen u KTTK dana 29.01.2019. godine, Zapisnik o saslušanju svjedoka Dž.H. sačinjen kod KTTK od 24.01.2019. godine, Zapisnik o saslušanju svjedoka Š.M. sačinjen kod KTTK od 01.02.2019. godine, Zapisnik o saslušanju svjedoka S.M.2 broj T03 0 KTK 0078409 19 od 31.01.2019. godine, Zapisnik o saslušanju svjedoka S.Ć. sačinjen kod KTTK od 06.02.2019. godine, Zapisnik o saslušanju svjedoka A.B.1 sačinjen kod KTTK od 06.02.2019. godine, Zapisnik o saslušanju svjedoka Z.U. sačinjen kod KTTK dana 07.02.2019. godine, Zapisnik o saslušanju svjedoka X.Y. sačinjen kod KTTK od 08.02.2019. godine, Fotografije posebnih istražnih radnji u kopiji sa dokumentima o pretrazi podataka na ime X.Y. i za vozilo ..., Zapisnik o saslušanju svjedoka M.B. sačinjen u KTTK

dana 20.02.2019. godine, Zapisnik o saslušanju svjedoka N.Dž. sačinjen u KTTK dana 22.02.2019. godine, Zapisnik o saslušanju svjedoka A.M. sačinjen kod KTTK dana 30.01.2019. godine, Zapisnik o saslušanju svjedoka J.B. sačinjen kod KTTK dana 22.02.2019. godine, Zapisnik o saslušanju svjedoka M.Lj. sačinjen kod KTTK 05.02.2019. godine, Zapisnik o saslušanju svjedoka D.H. kod KTTK od 24.01.2019. godine, Zapisnik o saslušanju svjedoka E.M. kod KTTK dana 05.02.2019. godine, Zapisnik o saslušanju svjedoka A.J. sačinjen u KTTK dana 06.02.2019. godine, Zapisnik o saslušanju svjedoka S.H.1 sačinjen u KTTK dana 05.02.2019. godine, Zapisnik o saslušanju svjedoka E.H. sačinjen kod KTTK od 05.02.2019. godine, Zapisnik o saslušanju svjedoka M.J. pred KTTK dana 08.02.2019. godine, Raspored rada PU Tuzla, PS Centar za dan 05.11.2018. godine (ponedjeljak) broj 314/18, Raspored rada PU Tuzla, PS Centar za dan 09.11.2018. godine (petak) broj 318/18, Raspored rada PU Tuzla, PS Centar za dan 25.11.2018. godine (nedjelja) broj 335/18, Raspored rada PU Tuzla, PS Centar za dan 29.11.2018. godine (četvrtak) broj 339/18, Raspored rada PU Tuzla, PS Centar za dan 03.12.2018. godine (ponedjeljak) broj 342/18, Raspored rada PU Tuzla, PS Centar za dan 07.12.2018. godine (petak) broj 342/18, Raspored rada PU Tuzla, PS Centar za dan 11.12.2018. godine (utorak) broj 346/18, Raspored rada PU Tuzla, PS Centar za dan 15.12.2018. godine (subota) broj 350/18, Raspored rada PU Tuzla, PS Centar za dan 19.12.2018. godine (srijeda) broj 354/18, Raspored rada PU Tuzla, PS Centar za dan 23.12.2018. godine (nedjelja) broj 358/18, Raspored rada PU Tuzla, PS Centar za dan 27.12.2018. godine (četvrtak) broj 362/18, Raspored rada PU Tuzla, PS Centar za dan 31.12.2018. godine (ponedjeljak) broj 366/18, Putni nalog za vožnju MUP-a TK-a broj 437383 od 05.11.2018. godine sa: Patrolnim nalogom PU Tuzla, PS Centar broj 3037/18 od 05.11.2018. godine i Obrascem za kontrolu saobraćaja PS Centar broj 3037/18 od 05.11.2018. godine, Putni nalog za vožnju MUP-a TK-a broj 437391 od 09.11.2018. godine sa: Patrolnim nalogom PU Tuzla, PS Centar broj 3077/18 od 09.11.2018. godine i Obrascem za kontrolu saobraćaja PS Centar broj 3077/18 od 09.11.2018. godine, Putni nalog za vožnju MUP-a TK-a broj 0238223 od 25.11.2018. godine sa: Patrolnim nalogom PU Tuzla, PS Centar broj 3240/18 od 25.11.2018. godine i Obrascem za kontrolu saobraćaja PS Centar broj 3240/18 od 25.11.2018. godine, Putni nalog za vožnju MUP-a TK-a broj 0238242 od 03.12.2018. godine sa: Patrolnim nalogom PU Tuzla, PS Centar broj 3309/18 od 03.12.2018. godine i Obrascem za kontrolu saobraćaja PS Centar broj 3309/18 od 03.12.2018. godine, Putni nalog za vožnju MUP-a TK-a broj 0238250 od 07.12.2018. godine sa: Patrolnim nalogom PU Tuzla, PS Centar broj 3342/18 od 07.12.2018. godine i Obrascem za kontrolu saobraćaja PS Centar broj 3342/18 od 07.12.2018. godine, Putni nalog za vožnju MUP-a TK-a broj 437058 od 11.12.2018. godine i Putni nalog za vožnju MUP-a TK-a broj 0415758 sa: Patrolnim nalogom PU Tuzla, PS Centar broj 3375/18 od 11.12.2018. godine i Obrascem za kontrolu saobraćaja PS Centar broj 3375/18 od 11.12.2018. godine i Izvještajem, Putni nalog za vožnju MUP-a TK-a broj 437066 od 15.12.2018. godine sa: Patrolnim nalogom PU Tuzla, PS Centar broj 3412/18 od 15.12.2018. godine i Obrascem za kontrolu saobraćaja PS Centar broj 3412/18 od 15.12.2018. godine i Izvještaj, Putni nalog za vožnju MUP-a TK-a broj 437074 od 19.12.2018. godine sa: Patrolnim nalogom PU Tuzla, PS Centar broj 3449/18 od 19.12.2018. godine i Obrascem za kontrolu saobraćaja PS Centar broj 3449/18 od 19.12.2018. godine i Izvještaj, Putni nalog za vožnju MUP-a TK-a broj 437082 od 23.12.2018. godine sa: Patrolnim nalogom PU Tuzla, PS

Centar broj 3486/18 od 23.12.2018. godine i Obrascem za kontrolu saobraćaja PS Centar broj 3486/18 od 23.12.018. godine i Izvještaj, Putni nalog za vožnju MUP-a TK-a broj 437089 od 27.12.2018. godine sa: Patrolnim nalogom PU Tuzla, PS Centar broj 3522/18 od 27.12.2018. godine i Obrascem za kontrolu saobraćaja PS Centar broj 3522/18 od 27.12.018. godine i Izvještaj, Putni nalog za vožnju MUP-a TK-a broj 437096 od 31.12.2018. godine sa: Patrolnim nalogom PU Tuzla, PS Centar broj 3557/18 od 31.12.2018. godine i Obrascem za kontrolu saobraćaja PS Centar broj 3557/18 od 31.12.018. godine, Akt MUP-a TK-a, Uprave policije broj I-08-05/3-5-04.3-1886/18 od 07.01.2019. godine, Putni nalog za vožnju MUP-a TK-a broj 0415809 od 04.01.2019. godine sa: Patrolnim nalogom PU Tuzla, PS Centar broj 27/19 od 04.01.2019. godine, i Obrascem za kontrolu saobraćaja PS Centar broj 27/19 od 04.01.2019. godine, Naredba Općinskog suda u Tuzli broj 32 0 K 347550 18 Kpp od 23.11.2018. godine, Naredba Općinskog suda u Tuzli broj 32 0 K 347550 18 Kpp 2 od 20.12.2018. godine, Naredba Općinskog suda u Tuzli broj 32 0 K 347550 18 Kpp 3 od 31.12.2018. godine, Naredba Općinskog suda u Tuzli za pretres putničkog motornog vozila broj 32 0 K 347550 19 Kpp 4 od 03.01.2019. godine, Naredba Općinskog suda u Tuzli broj 32 0 K 347550 19 Kpp 6 od 08.01.2019. godine, Akt MUP-a TK-a, Uprave policije broj I-08-05/3-5-04.3-1886/18 od 23.01.2019. godine, Izvještaj o realizaciji naredbe za provođenje posebnih istražnih radnji Sektora kriminalističke policije broj I-08-05/3-5-04.3-1886/18 od 23.01.2019. godine sa prilogom CD-a sa oznakom „JUPITER“, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 13.12.2018. godine za dan 25.11.2018. godine, Zapisnik o provođenju posebnih istražnih radnji Odjeljenja za kriminalističko obavještajnu podršku od 13.12.2018. godine za dan 25.11.2018. godine, Dnevnik fotografija od 25.11.2018. godine, Fotodokumentacija o provođenju posebnih istražnih radnji Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 13.12.2018. godine za dan 03.12.2018. godine, Zapisnik o provođenju posebne istražne radnje Odjeljenja za kriminalističko obavještajnu podršku od 13.12.2018. godine za dan 03.12.2018. godine, Dnevnik fotografija od 03.12.2018. godine, Fotodokumentacija o provođenju posebnih istražnih radnji Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 07.12.2018. godine za dan 07.12.2018. godine, Zapisnik o provođenju posebne istražne radnje Odjeljenja za kriminalističko obavještajnu podršku od 07.12.2018. godine za dan 07.12.2018. godine, Dnevnik fotografija od 07.12.2018. godine, Fotodokumentacija o provođenju posebnih istražnih radnji Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 13.12.2018. godine za dan 07.12.2018. godine, Zapisnik o provođenju posebne istražne radnje Odjeljenja za kriminalističko obavještajnu podršku od 13.12.2018. godine za dan 07.12.2018. godine, Dnevnik fotografija od 07.12.2018. godine, Fotodokumentacija o provođenju posebnih istražnih radnji Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 16.12.2018. godine za

[illegible]

Dnevnik fotografija od 23.12.2018. godine, Fotodokumentacija o provođenju posebne istražne radnje Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 28.12.2018. godine za dan 27.12.2018. godine, Zapisnik o provođenju posebne istražne radnje Odjeljenja za kriminalističko obavještajnu podršku od 28.12.2018. godine za dan 27.12.2018. godine, Dnevnik fotografija od 27.12.2018. godine, Fotodokumentacija o provođenju posebne istražne radnje Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 27.12.2018. godine za dan 27.12.2018. godine, Zapisnik o provođenju posebne istražne radnje Odjeljenja za kriminalističko obavještajnu podršku od 27.12.2018. godine za dan 27.12.2018. godine, Dnevnik fotografija od 27.12.2018. godine, Fotodokumentacija o provođenju posebne istražne radnje Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 31.12.2018. godine za dan 31.12.2018. godine, Zapisnik o provođenju posebne istražne radnje Odjeljenja za kriminalističko obavještajnu podršku od 31.12.2018. godine za dan 31.12.2018. godine, Dnevnik fotografija od 31.12.2018. godine, Fotodokumentacija o provođenju posebne istražne radnje Sektora kriminalističke policije, Odjeljenja za krim obavještajnu podršku, decembar 2018. godine, Akt MUP-a TK-a, Sektora kriminalističke policije, Odjeljenja za kriminlističkoobavještajnu podršku broj 08-05/3-7-01/19 od 03.01.2019. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 03.01.2019. godine za dan 31.12.2018. godine, Zapisnik o provođenju posebne istražne radnje Odjeljenja za kriminalističko obavještajnu podršku od 03.01.2019. godine za dan 31.12.2018. godine, Dnevnik fotografija od 31.12.2018. godine, Fotodokumentacija o provođenju posebne istražne radnje Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 31.12.2018. godine za dan 31.12.2018. godine, Zapisnik o provođenju posebne istražne radnje Odjeljenja za kriminalističko obavještajnu podršku od 31.12.2018. godine za dan 31.12.2018. godine, Dnevnik fotografija od 31.12.2018. godine, Fotodokumentacija o provođenju posebne istražne radnje Sektora kriminalističke policije, Odjeljenja za krim obavještajnu podršku, decembar 2018. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 04.01.2019. godine za dan 04.01.2019. godine, Zapisnik o provođenju posebne istražne radnje Odjeljenja za kriminalističko obavještajnu podršku od 04.01.2019. godine za dan 04.01.2019. godine, Dnevnik fotografija od 04.01.2019. godine, Fotodokumentacija o provođenju posebne istražne radnje Sektora kriminalističke policije, Odjeljenja za krim obavještajnu podršku, januar 2019. godine, Izvještaj o provođenju posebne istražne radnje Sektora kriminalističke policije, Odjeljenja za krim obavještajnu podršku od 04.01.2019. godine za dan 04.01.2019. godine, Zapisnik o provođenju posebne istražne radnje Odjeljenja za kriminalističko obavještajnu podršku od 04.01.2019. godine za dan 04.01.2019. godine, Dnevnik fotografija od 04.01.2019. godine, Fotodokumentacija o provođenju posebne istražne radnje Sektora

kriminalističke policije, Odjeljenja za krim obavještajnu podršku, januar 2019. godine, Izvještaj o provođenju posebnih istražnih radnji OTA „DAR“ Federalne uprave policije Sarajevo broj INT-09-11/5-2-3158/18 od 10.01.2019. godine, Izvještaj o provođenju posebne istražne radnje „Trajno praćenje i tehničko snimanje osoba, transportnih sredstava i predmeta koji stoje u vezi s njima“ OTA „DAR“ broj INT-11/5-2-3158/18 od 10.01.2019. godine, Akt-Izvještaj o postupanju Federalne uprave policije Sarajevo broj INT-11/4-3158/18 od 07.01.2019. godine dostavljen Kantonalnom tužilaštvu TK-A, N/R tužioca Dražena Milićevića, Akt-Izvještaj, dostavlja se MUP-a TK-a, Uprave policije Tuzla broj I-08-05/3-5-04.3-1886/18 od 04.01.2019. godine, Izvještaj o realizaciji naredbe za pretres MUP-a TK-a, Uprave policije, Sektora kriminalističke policije Tuzla broj I-08-05/3-5-04.3-1886/18 od 04.01.2019. godine, Naredba za pretres putničkog motornog vozila Općinskog suda u Tuzli broj 32 0 K 347550 19 Kpp 4 od 03.01.2019. godine, Zapisnik o pretresanju MUP-a Tuzla broj I-08-05/3-5-1/19 od 04.01.2019. godine, Potvrda o privremenom oduzimanju predmeta, MUP-a TK-a, Sektora kriminalističke policije, Odjeljenje za borbu protiv privrednog kriminala i korupcije broj 08-05/3-5-1/19 od 04.01.2019. godine, Potvrda o privremenom oduzimanju predmeta MUP-a Tuzla broj: I08-05/3-5-04.3-2/19 od 04.01.2019. godine, Potvrda o privremenom oduzimanju predmeta MUP-a TK-a, Uprave policije, Sektora kriminalističke policije broj I08-05/3-5-3/19 od 04.01.2019. godine, Fotodokumentacija-Pretres vozila i OSL, Tuzla-Ulica I Inženjerske brigade bb, od datuma 04.01.2019. godine, MUP-a TK-a, Sektora kriminalističke policije, Odjeljenje kriminalističke tehnike i KDZ broj I-08-05/3-8-04.6-1-1886/18 od 07.01.2019. godine, Izvod iz kaznene evidencije na ime optuženih, MUP-a TK-a, PU Tuzla, Odjeljenje kriminalističke policije broj 08-05/4-1-04.3-10/19-DS od 11.01.2019. godine, Izvještaj o postupanju Federalne uprave policije Sarajevo broj INT-11/4-3158/18 od 7.1.2019. godine, popratni akt, u prilogu je sam izvještaj o postupanju pod istim brojem od 7.1.2019. godine, koji je sačinio prikriveni istražitelj kodnog imena XY, Roza koverta unutar koje se nalazi DVD na kojem je naznačeno OTA „DAR“, stepen tajnosti interno, prilog uz izvještaj koji je naveden od 10.1.2019. godine, Instrukcija o postupanju policijskih službenika u oblasti bezbjednosti saobraćaja iz decembra 2018. godine, donosilac instrukcije MUP, Uprava policije Tuzla, Zapisnik o saslušanju svjedoka M.O.2 sačinjen u KTTK dana 13.3.2019. godine.

Uvršteni su dokazi odbrane, iskazi svjedoka S.O., A.S., te materijalni dokazi: zapisnik o ispitivanju svjedoka M.Č.3 sačinjen kod KTTK dana 08.02.2019. godine sa detaljima pretrage za ovo lice i vozilo registarskih oznaka ... i kopijom fotografija predmetnog događaja, Službena zabilješka od 06.01.2016. godine, Službena zabilješka od 05.02.2018. godine, Službena zabilješka od 21.11.2018. godine, Izvod iz zapisnika o disciplinskom postupku sa evidencijom izdatih prekršajnih naloga od strane S.I., Izvod iz zapisnika o disciplinskom postupku sa podatkom o depeši MUP-a TK br: 08-05/3-7-494/17 od 27.06.2017. godine, Uvid u odredbu člana 9. Zakona o policijskim službenicima TK, Patrolni nalozi 3037/18, 3077/18, 3240/18, 3275/18, 3309/18, 3375/18, 3412/18, 3449/18, 3342/18, 3486/18, 3522/18 i 3557/18, sa izvještajem, Izvještaj MUP TK broj 10805/44-8/19 od 10.1.2019. godine u kojem se nalaze kopije prekršajnih naloga.

Postupajući tužitelj je na pretresu pred ovim sudom dana 24.03.2025. godine, a prije okončanja dokaznog postupka izvršio izmjenu činjeničnog opisa optužnice, dok je pravni opis i pravna kvalifikacija djela ostala neizmijenjena.

Tužitelj Kantonalnog tužiteljstva je izjavio da u cijelosti ostaje kod svih navoda datih u završnom izlaganju pred prvostepenim sudom.

Branitelj optuženog E.T., advokat Mujčinović Šaban iz Tuzle je naveo da u cijelosti ostaje kod završnog izlaganja datog pred prvostepenim sudom.

Optuženi E.T. se u završnom izlaganju pridružio navodima svog branitelja.

Nakon pažljivog sagledavanja sadržaja cjelokupnog spisa predmeta ovaj sud je odlučio kao u izreci i optuženog E.T., na temelju odredbe člana 299. tačka a) ZKP FBiH oslobodio od optužbe, da je učinio produženo krivično djelo Zloupotreba položaja i ovlašćenja iz člana 383. stav 1. KZ FBiH, a u vezi sa članom 31. i 55. istog Zakona pri čemu se rukovodio slijedećim razlozima.

Odredbom člana 242. stav 1. točka c) ZKP FBiH propisano je da optužnica mora da sadrži opis djela iz kojih proizilaze zakonska obilježja krivičnog djela, vrijeme i mjesto učinjenja krivičnog djela, predmet na kojem je i sredstvo kojim je izvršeno krivično djelo, kao i ostale okolnosti potrebne da se krivično djelo što preciznije odredi, a odredbom člana 295. stav 1. ZKP FBiH je propisano da se presuda može odnositi samo na osobu koja je optužena i samo na djelo koje je predmet optužbe sadržane u potvrđenoj, odnosno na glavnom pretresu izmijenjenoj optužnici.

Odredbom člana 383. stav 1. KZ FBiH je propisano da ovo krivično djelo čini službena ili odgovorna osoba u Federaciji koja iskorištavanjem svog službenog položaja ili ovlašćenja, prekoračivši granice svoje službene ovlasti li neobavivši svoje službene dužnosti, pribavi sebi ili drugom kako korist drugome nanese kakvu štetu ili teže povrijedi prava drugog.

Navedeno krivično djelo se može počiniti samo sa umišljajem. Ovaj oblik vinosti kod predmetnog krivičnog djela traži da je učinitelj svjestan da iskorištava svoj službeni položaj ili ovlasti, prekoračuje granice svoje službene ovlasti ili da ne obavlja svoje službene dužnosti kao i toga da na taj način za sebe ili drugog pribavlja kakvu korist, drugom nanosi kakvu štetu ili teže povređuje prava drugog (ovo je intelektualna komponenta umišljaja) te da je i pored te svijesti, htio ili pristao na posljedicu poduzetih radnji (njegova voluntaristička komponenta) koja se ogleda u pribavljanju imovinske koristi sebi ili drugima, nanošenju kakve štete drugom ili u težoj povredi prava drugog.

Međutim, činjenični opis krivičnog djela iz izmijenjene optužnice ne sadrži intelektualnu komponentu umišljaja, odnosno ne sadrži činjenice o okolnosti iz kojih proizilazi da je optuženi E.T. bio svjestan da ne obavlja svoje službene dužnosti pribavio sebi ili drugom kakvu korist, drugom nanio kakvu štetu ili teže povrijedio prava drugog, što je konstitutivni elemenat ovog krivičnog djela, što ujedno znači da izmijenjena optužnica ne sadrži činjenice i okolnosti koje su neophodne da se djelo optuženog za koje se tereti odredi.

Iz naprijed navedenih razloga, ovaj sud je odlučio kao u izreci presude, pa je na osnovu člana 299. tačka a) ZKP FBiH oslobodio optuženog od optužbe za krivično djelo koje mu se izmijenjenom optužnicom stavlja na teret, jer djelo za koje se optužuje (onako kako je opisano u optužnici) Zakonom nije propisano kao krivično djelo.

Na temelju člana 203. stav 1. Zakona o krivičnom postupku Federacije Bosne i Hercegovine troškovi krivičnog postupka padaju na teret budžetskih sredstava, tako da troškovi koji se odnose na prvostepeni postupak i postupak odlučivanja po žalbama protiv prvostepene presude, padaju na teret budžetskih sredstava Općinskog suda u Tuzli, dok ostali troškovi krivičnog postupka koji se odnose na pretres pred Kantonalnim sudom u Tuzli, padaju na teret budžetskih sredstava ovog suda.

Zapisničar
Amela Pašić, s.r.

Predsjednica vijeća
Mersida Sušić, s.r.

PRAVNA POUKA:

Protiv ove presude žalba nije dopuštena.